



Fitjar kommune

Planstrategi 2020-2023



Foto: Gunnbjørg Austrheim copyright©

Kva er planstrategi ?

Kommunal planstrategi er eit verktøy for kommunestyret til å drøfta og prioritera planoppgåver på overordna nivå, i kommunestyreperioden (plan- og bygningslova § 10-1). Planstrategien skal vedtakast av kommunestyret seinast eit år etter at det nye kommunestyret er konstituert.

Ved behandlinga av planstrategien, skal kommunestyret ta stilling til om gjeldande kommuneplan eller delar av denne, skal reviderast. I tillegg oppfordrast kommunane til å vurdera øvrig planbehov.

Planstrategien har ingen direkte rettsverknad verken for kommunen eller andre. Dette er ein arena for å drøfta utviklingstrekk og planbehov. Planlegginga skal vere behovsstyrta og ikkje gjerast meir omfattande enn nødvendig, og være tilpassa kommunens situasjon og utfordringar. Revisjon og rullering av eldre planer, eller utarbeidning av nye planar krev mykje ressursar, både med omsyn til bruk av tilsette og kostnadsknytt til planprosessen.

Kommunen skal ta hensyn til nasjonale og regionale føringar i arbeidet og innhenta synspunkt frå nabokommunar og statlege og regionale organ.

Loven sier: «Kommunestyret skal minst én gang i hver valgperiode, og senest innen ett år etter konstituering, utarbeide og vedta en communal planstrategi.» Utdrag fra Pbl § 10-1

Førre planstrategi i Fitjar vart vedtatt i 2018.

Nasjonale forventningar til kommunal planlegging

Regjeringa legg kvart fjerde år fram nasjonale forventningar til regional og kommunal planlegging for å fremja ei berekraftig utvikling i heile landet.

Dei nasjonale forventningane skal følgjast opp i fylkeskommunane og kommunane sitt arbeid med planstrategiar og planar, og leggjast til grunn for statlege styresmakter si medverknad i planlegginga.

Regjeringa vil formidla den nasjonale prioriterte politikken på ein tydeleg måte, slik at planlegginga i fylkeskommunar og kommunar kan skje effektivt og til beste for innbyggjarane i hele landet. Samtidig styrkar regjeringa det lokale sjølvstyret i planlegginga. Det betyr at fylkeskommunane og kommunane får auka ansvar for å sikra nasjonale og viktige regionale interesser.

Regjeringa ynskjer at regional og lokal samfunns- og arealplanlegging skal vere basert på open dialog mellom alle partar, der og staten deltar. Eit viktig skritt på vegen er dei nasjonale forventningane. Regjeringa legger vekt på at vi står overfor fire store utfordringar:

- Å skapa eit berekraftig velferdssamfunn
- Å skapa eit økologisk berekraftig samfunn gjennom blant anna ein offensiv klimapolitikk og ein forsvarleg ressursforvaltning
- Å skapa eit sosialt berekraftig samfunn
- Å skapa eit trygt samfunn for alle

Dei regionale og lokale styresmaktene har sentrale oppgåver med å håndtera desse utfordringane. Det gjeld alle kommunar, uavhengig av størrelse og kompetanse. Planlegging er eit av våre viktigaste verktøy. Regjeringa har bestemt at FNs 17 berekraftmål, som Norge har sluttet seg til, skal vere det politiske hovudsporet for å ta tak i vår tids største utfordringar, også i Norge. Det er derfor viktig at berekraftmåla blir ein del av grunnlaget for samfunns- og arealplanlegginga.

Om arbeidet med planstrategi 2020-2023 for Fitjar kommune

Fitjar kommune er i sluttfasen med ny samfunnsdel for kommuneplanen 2020-2040. Store medverknadsprosessar er gjennomført knytt til denne, der 12 % av innbyggjarane har direkte medverka i planarbeidet. Vi har difor nettopp gjennomført strategisk framtidsretta arbeid. Vi vel difor å henta faktagrunnlaget i planstrategien direkte frå forslaget til kommuneplan, som no er ute på høyring.

I kommuneplanen sin samfunnsdel har vi tre tverrgåande satsingsområde:

- Folkehelse
- Barn- og unge
- Klima og miljø

Samfunnsdelen som plan for folkehelsa

Lov om folkehelsearbeid (2012) gjev kommunen eit viktig samfunnsoppdrag;

«Å utvikle lokalsamfunn som fremjar helse, utjamnar sosiale skilnad i helse og deltaking i gode sosiale og miljømessige forhold og berekraftige velferdstenester.»


Folkehelselova peikar på fem viktige prinsipp:

- Medverknad
- Berekraft
- Helse i alt me gjere
- Føre var – prinsippet
- Utjamning av sosial ulikskap i helse

Folkehelse i Fitjar

Helsa og livskvaliteten til Fitjarbuen blir utvikla der folk leiker, lærer, arbeider, dyrkar fritidsinteresser og bur, gjennom heile livet. Ein god stad- og samfunnsutvikling betrar levekåra til innbyggjarane, og gjer det enklare for folk å ta helsefremjande val. Det styrkjer også evna og viljen til å bry seg om og ta vare på kvarandre og samfunnet me er ein del av.

Folkehelse er ikkje resultat av levevanar og helserelatert åtferd aleine. Det er helse i alt me gjer. Derfor er det smart å vurdere helsekonsekvensar når politikk blir utvikla og iverksett i alle sektorar; skule og oppvekst, helse og sosial, plan og teknisk. Arbeidet kan utviklast vidare gjennom avtalar eller partnarskap for folkehelse med offentlege, private eller frivillige lag og organisasjonar i omgjevnadene, lokalt og regionalt. God inkludering på sentrale livsarena bidreg til å oppretthalde eit samfunn med små forskellar, høg tillit og god livskvalitet.



Folkehelsearbeidet må vera kunnskapsbasert og byggja på tilgjengeleg statistikk og lokalkunnskap som kjem fram i møte med innbyggjarar/brukararar/tilsette og andre. Det må lagast eit system for kontinuerleg oversikt over faktorar som har innverknad på folkehelsa, jamfør Folkehelseloven.

Kommunen ynskjer å ha tenester som har fokus på:

- Tilrettelegging av bustader til alle livsfasar
- Sørgje for at tenester innbyggjarane har behov for i kvarдagen er tilgjengeleg
- Redusere sosial ulikskap og forskjellige levekår gjennom tiltak retta mot låginntektsfamiliar
- Bidra til at eldre og innbyggjarar med funksjonsnedsettingar kan bo heime så lenge som mogleg
- Legge til rette for omgjevnader og aktivitet som fremjar helse og førebyggjer sjukdom
- Mobilisere innbyggjarane til å ta vare på seg sjølv og omgjevnadane sine
- Sikre oppleving av tryggleik og tilgjengeleghet for alle

Samfunnsdelen som klima- og miljøplan



Berekraft handlar om at me skal leve og utvikle oss, samstundes med at me gjer neste generasjon minst like gode utviklingshøve. *Plan- og bygningsloven* har som føremål å fremje berekraftig utvikling.

§ 1-1 Lovens formål

Loven skal fremme bærekraftig utvikling til det beste for den enkelte, samfunnet og framtidige generasjoner. Planlegging skal etter loven bidra til å samordne statlige, regionale og kommunale oppgaver og gi grunnlag for vedtak om bruk og vern av ressurser.

Lovdata

Kommuneplanen erstattar Fitjar sin klimaplan- og energiplan frå 2009

Fitjar vil ta eit tydleg klima- og miljøansvar i både vår tilrettelegging for å utvikla lokalsamfunnet og regionen, og i vår tenesteyting. Kommunen legg også FN sine berekraftsmål til grunn for arbeidet med kommuneplanen sin samfunnsdel. Berekraftsmåla vil verta knytt til samfunnsdelen sine ulike kapittel. Kommunen sin klima- og energiplan vert erstatta av kapittelet "Den grøne kommunen" i kommuneplanen.

Kommunen ynskjer å ha fokus på:

- Gjere det enklare å gå, sykle, reise kollektivt og køyre utsleppsfrift
- Legge til rette for fornybare energiløysingar
- Stille miljø- og etiske krav i alle anskaffingar
- Gjere samfunnet i stand til å handtere klimaendringane
- Miljøsertifisering
- Forvalte sjøareal på ein forutsigbar og berekraftig måte
- Utvikle og ivareta samanhengande offentleg grønt struktur
- Redusere miljøgifter, forsøpling og luftforureining

Klimaarbeidet skal vere integrert i alle kommunen sine overordna styringssystem, ein skal synleggjere at dette er leiarar og fagfolk sitt ansvar på kommunen sine ulike fagområde i både planlegging og tenesteyting. FN sine berekraftsmål skal prega kommunen sine tenester, og slik vil me bidra lokalt til å nå den internasjonale ambisjonen:

"FNs bærekraftsmål er verdens felles arbeidsplan for å utrydde fattigdom, bekjempe ulikhet og stoppe klimaendringene innen 2030."

<https://www.fn.no/Tema/Fattigdom/Baerekraftig-utvikling>

Samfunnsdelen for barn og unge

Fitjar kommune skal vera ein god stad å vekse opp for barn og unge, med sunne og trygge oppvekstmiljø. Me vil tilretteleggja for trivsel og deltaking i eit mangfald av aktivitetar. Livsløpet frå ein er fødd til ein har gjennomført vidaregåande skule er ein viktig periode i livet som skal ruste barn og unge for den framtida dei skal inn i og utvikle. Ingen veit korleis samfunnet vil vere når våre barn og unge er vaksne, og for å ruste barna for livet skal ein oppleve tidleg meistring og tilhørsle. Livsmeistring vil vere sentralt i alt oppvekstarbeid.

Kvalitet, heilskap og deltaking skal prega kommunen sine tenester til barn- og unge. Me vil ha klare strategiar for å fremje eit lokalsamfunn med små sosiale forskjellar.

Barn sitt oppvekstmiljø i Fitjar vil skapa attraktivitet og skaparkraft både i notida og i framtida. Me ønskjer at barn- og unge som er oppvaksen i Sunnhordland skal finna heimstaden interessant for etablering i vaksen alder, og samtidig vil me vera opne og attraktive for tilflytting for andre uansett bakgrunn.

Det vil vere sentralt å ha fokus på:

- Sikre barn og unge kompetanse for framtida
- Nyte barn og unge sine eigne ressursar gjennom medverknad
- Gje barn og unge oppleving av fellesskap og tilhøyre
- Arbeide systematisk for å gje alle like moglegeheter
- Sikre tidleg og tverrfagleg innsats



Medverknad Ope hus, foto: Mone Nilsen

Fitjar 2020 – kommunesenter og bygder

Kommune har per 01.10.19 3195 innbyggjarar. Me har eit tydleg kommunesenter, og fire bygdesamfunn:

Selevik - Dåfjorden

Ligg flott til i Dåfjorden med nærliek til sjø og flotte naturområder. Her er det tilrettelagt med barnehage, skule, flott idrettsbane og tilgjengelege bustadomter. Selevik er i ei særstilling der Sagvågsområdet ligg nærmare enn Fitjar sentrum. Lokalmiljøet er prega av sterkt initiativ for å få folk til å busetja seg i bygda m.a. gjennom Dåfjorden næringsforum. Dette viser att i form av auka befolkningsvekst i området. Det er også høg grad av fokus på næringsutvikling. Fleire lokale arbeidsplassar ligg i nærmiljøet m.a. Dåfjorden slipp. Her er potensiale for fleire bustadområde og det kan leggjast til rettes for auka tilgang til sjø/hamneområde. I nærmiljøet er det oppretta mange turstiar med møteplassar med bl.a. gapahuk, slik at her er gode mogelegheiter for småturar.




Foto: Aase Rygg H.Nøttveit

Øvrebygda

Ligg vakkert til i området Rydland, Koløyholmen, Helland nord og Årbø. Her er god tilgang til friluftsområde både på land, sjø og vatn.

Det er følgjande næringsområde i Øvrebygda: Svartamoget og Sjoareset . Jordbruk er den viktigaste næringa i området. Det er lagt til rettes for spreidd busetnad, der ein kan både bu tett, men også fritt og fredeleg. I Koløyholmen er det regulert eit mindre område for bustadar-/fritidsbustadar og det er god tilgang til sjø med naust og båtplassar. Storavatnet har ein sentral plass i krinsen som gir gode mogelegheiter for ulike aktivitetar der avstanden frå bustadane ikking er kort. Krinsen har både skule og barnehage i nærmiljøet sitt. Det er god aktivitet i lag og organisasjonar der skulebygget er det naturlege samlingspunktet. I krinsen er det gode høve for turar på gamle stiar der kulturhistoria kan utforskast, slik som Hellandspresten og Tislevollssaga.

Fitjar - kommunesenter

Fitjar er kommunesenteret og det naturlege «lokomotivet» i Fitjar. Her er eit stort fleirtal av innbyggjarane i kommunen busette og her ligg dei fleste serviceinstitusjonane i bygda; rådhus, eldresenter, legesenter, bibliotek, butikkar, skular, barnehagar, kyrkje og større lokale verksemder. Her er ei god samansetjing av ulike næringar som jordbruk, havbruk, smoltanlegg, byggevarefirma, mekanisk industri, vindkraft og mange andre serviceytande næringar. Midtfjellet Vindpark er synleg og tilgjengeleg . Årskog industriområde er i utvikling. Tilgangen til attraktive bustad tomtar er god og det er godt tilrettelagt for båtplassar i ulike hamneanlegg. Kultur og idrettsbygget er den naturlege samlingsplassen. Her har lag og organisasjonar ein flott arena for aktivitetstilbodet sitt. Kråko hytteområde har utvikla seg til ein møteplass for mange både frå nærmiljøet og frå distrikta rundt. Området gir mange positive synergieffektar m.a. i form av handel i nærmiljøet.

Osternes

Eit vakkert kulturlandskap med utsikt til havet, ein langstrakt krins med mange sær preg. Sandvikvåg er det store trafikk knutepunktet på E 39. Området flott natur med tilgang til vatn, sjø og fjell.

Området har mange naturidyllar og det er fleire områder med høg historisk verdi som t.d.

Gloppevågen, Stokken og Færøysundet. Her ligg det eit stort potensiale i å utnytta turisme som eit inntektsgrunnlag. Jordbruk er den viktigaste lokale næringa sjølv om det er i forholdsvis liten skala.

Ulike tilleggsnæringar til landbruket kan også bidra til å gjøre det attraktivt å slå seg ned i Osterneset og utvikle grenda vidare.

Spreidd busetnad og det å busetja seg på og ved dei eksisterande gardsbruken, halda jorda i hevd og utvikle dei naturgjevne føresetnadene vidare er det som vil helst vil gjera det attraktivt for yngre generasjonar til å bli og busetja seg i grenda, heller enn bustadfelt og hyttetomter. Småskala produksjon av mat/handverksprodukt, andelslandbruk, inn på tunet/grøn omsorg, er døme på tiltak som kan vere aktuelle å utvikle vidare.

Strando - Hageberg

Langstrakt krins mellom fjellet og Langenuen med E- 39 som den pulserande hovudferdselsåra. Denne delar landskapet i to. Fjellet og fjorden betyr mykje for dei som bur her. E – 39 skapar store utfordringar i høve støy og forbodssonar både for fastbuande og for dei som ynskjer å busetja seg her. Det er no bestemt at Hordfast skal gå over Jektevik noko som vil gje nye mogelegheiter for krinsen. Her er behov for tilrettelagde områder for bustad/hyttebygging med tilgang til naust og båtplassar. Grendahuset er samlingsplassen for bygda. Det vert framleis drive jordbruk på einskilde bruk. Området har eit stort potensiale for turisme. Her er bratte fjell (fjellklatring), tilgang til sjø (fiske), gode jaktterreng (hjort) og Tindaslottet (overnattning) som eit attraktivt turmål.

Utfordringa når det gjeld busetjing er kort veg mellom E-39 og sjøen. Det er svært knappheit i område mellom 50-meters sonen på begge sider av E-39 og 100-meters beltet til sjøen. Det vil vera ein føresetnad for auka busetnad i Strando å få høve til bygging nærmere sjø enn 100 meter og å få bygga naust, småbåthamn og brygger.





Foto: Fitjar kommune kulturminneplan

Utviklingstrekk i Fitjar kommune

For å velje dei rette måla og strategiane, må me ha kunnskap om kvar me står i dag. Spørsmåla er kva utfordringar me har, og kva me må satse på for å møte dei. Kunnskap om til dømes folketalsutvikling, demografi, næringsutvikling og kva behov innbyggjarane våre har når det gjeld ulike tenester, legg premissa for korleis me som kommune skal levere tenester og tilretteleggja for å utvikle samfunnet. Som faktagrunnlag for kommuneplanen har Hordland fylkeskommune utvikla statistikkpakke, som ein finn på kommunen sine heimesider.




Fitjar kommune har over tid hatt ei positiv vekst i folketalet, også samanlikna med dei andre kommunane i regionen og ein ser dei same tendensane i Bømlo og i Austevoll.



Foto: Fitjar kommune

Folketal og befolkningsframskriving


Den demografiske utviklinga viser ein prognose for vekst i folketalet i Fitjar fram mot 2040, også på grunn av innvandring. Dette er basert på Statistisk sentralbyrå sitt middelsalternativ MMMM




På tross av auke i folketalet viser framskrivingane ein reduksjon i talet på fødde, og ein relativt stabil og ikkje – aukande, situasjon i talet på barn- og unge i aldersgruppa 1 – 19 år fram til 2030.

Tal barn i barnehagealder vil ikkje auke mykje, men det vil vere behov for fleire barnehageplassar enn det kommunen har per i dag.

Talet på barn i grunnskulen er svakt synkande. Det er behov for å gjera strukturelle vurderingar kring skular- og barnehagar. Ein vil også måtte sjå dette i samanheng med kommunen sitt busettingsmønster og den samla areal- og transportplanlegginga.



Her syner vi folketalsutviklinga i krinsane i kommunen 2014-2019.





Hovudvekta av vekst har vore i områda kring sentrum og Selevik. Eit anna hovudtrekk har vore negativ folketalsutvikling i dei mindre grenadene som Osterneset og Tislevoll

Den store demografiske endringa i planperioden får me i talet på eldre over 67 år, og først skjer veksten i dei unge eldre i aldersgruppa 67 – 79 år.

Ei auka satsing på folkehelse, sosialt arbeid, førebygging- og rehabilitering, og digitalisering må prioriterast. Samarbeidet med frivillig sektor og utdanningsinstitusjonane må styrkast. Den demografiske endringa vil mått ha direkte påverknad på prioriteringane i kommunens budsjett og investeringar.

Demografisk utvikling vil påverka den fysiske planlegginga.



Å skapa saman – medverknadsprosessen

«Den beste måten å forutsi fremtiden på, er å skape den»

Alan Kay

Arbeidet med kommuneplanen i 2019 har vore organisert slik:



Arbeidsgruppa har vore tverrsektorielt samansett frå administrasjonen. Ordførar deltok i arbeidsgruppa i 2019, og før ny kommunelov. Me har ikkje nytta eksterne konsulentar i planarbeidet. Arbeidsgruppa har ansvaret for vurderingar og skriving av planen i skjeringspunktet mellom kunnskapsgrunnlag, fag, strategi og innspel frå medverknadsprosessen.

Eksternt kunnskapsgrunnlag me har nytta er:

- Statistikkpakke for Fitjar, frå Hordaland fylkeskommune
- Ungdata undersøkinga 2019 i Fitjar
- Oversikt over gang- og sykkelvegar på fylkesvegar og kommunevegar i Fitjar
- Handelsanalyse for Fitjar
- Stadsanalyse frå PIR II for Fitjar sentrum
- Nasjonale rettleiarar

Medverknadsprosess

Ca 12 % av innbyggjarane har delteke i direkte dialog i planarbeidet for å auka idetilfang og relevans, og for å skape engasjement for iverksetting.

Planprosessen både med planprogrammet og kommuneplanen (KPS) har gått føre i 2019, med ei brei involvering av lokalsamfunnet. Me har etablert eit innbyggjarpelan på 13 lag- og organisasjonar som har drøfta planen , me har gjennomført oppskjande dialogmøter i heile kommunen der ein har treft innbyggjarane direkte. Metodane me har nytta har vore folkemøter, innleiingar, kreative prosessar med mentometer og ordskyer, kafèdialog og frie plenumsdiskusjonar. Innhaldsmessig har det handla om å få fram Fitjarsamfunnet sine:

- Styrkar
- Utfordringar
- Den mogelege framtida og korleis me skapar denne.

Innspela er samla på kommunen sine heimesider.



Medverknadsprosess Rimbareid skule, Foto: Mone Nilsen



På grunnlag av dette har kommunestyret vedtatt 5 hovedtema/ kapittel i kommuneplanen sin samfunnsdel, og det er knytt mål og handlingsprogram til kvart område.

LEVANDE SENTRUM OG BULYST.....

- SENTRUMSUTVIKLING.....
- GRØN MOBILITET
- BUSTADSTRATEGI OG BUFORMER.....
- FITJAR FOR ALLE
- FRILUFTSLIV.....

FITJAR I BEREKRAFTIG VEKST.....

- NÆRINGSUTVIKLING
- BU- OG ARBEIDSMARKNADSREGION I UTVIKLING

SMARTE OG KOMPETENTE KOMMUNALE TENESTER.....

- UTFORDRINGER
- FOKUS PÅ BRUKAREN SINE RESSURSAR
- KOMPETENTE OG ENGASJERTE MEDARBEIDARAR
- DIGITALISERING
- BYGGE PARTNARSKAP MELLOM KOMMUNEN OG OMGJEVNADANE – KAPASITETSBYGGING
- SAMFUNNSTTRYGGLEIK OG BEREDSKAP

DEN GRØNE KOMMUNEN

- AKTIVT LANDBRUK
- NASJONALT VIKTIG KULTURLANDSKAP I FITJARØYANE
- FITJAR I VINDEN
- SIRKULÆRKONOMI.....
- BIOLOGISK MANGFALD
- FISKERI OG- HAVBRUK
- OMSTILLING TIL LÅGUTSLEPPSAMFUNN

STERKE SAMAN – REGIONALT SAMARBIED.....

Ut av desse lokale behova har vi laga ei oversikt over behovet for fornying av planverket.

Fitjar kommune er ein liten kommune og med avgrensa administrativ kapasitet. Vi har difor prøvd å avgrensa mengda planar, utan at det har ført til vesentleg færre. Vi treng eit fornøya planverk på sentrale fagområde. Vi vil planleggja med lengre tidshorisont i planane framover. Vi må balansere planlaginga med behovet for iverksetting .

Om kommuneplanen:

- Kommuneplanen sin samfunnsdel vert vedtatt i 2020.
- Kommuneplanen sin arealdel vert det starta hovudrullering av i 2022. Vi har gjeldande plan for perioden 2012-2024.

Ut frå kapitla i kommuneplanen sin samfunnsdel har vi følgjande planbehov:

Planstrategi 2020-2023							
Plan	Noverande	Sektor	Type	2020	2021	2022	2023
OVERORDNA PLANAR:							
Økonomiplanen	2020-23	Overordna		x	x	x	x
Kommuneplanen sin samfunnsdel	1999-2011	Overordna		x			
Kommuneplanen sin arealdel	2012-2024	Overordna				x - oppstart	
Plan for digitalisering	2019-2025	Overordna					
Beredskapsplan og overordna ROS (2014-2018)	2019	Overordna			x		
LEVANDE SENTRUM OG BULYST							
Plan for frivillig arbeid	Ny	OK/HO	Tema			x-oppstart	
Reguleringsplan for Fitjar sentrum	2007	PT	Areal		x		
Reguleringsplan for Kråko sjøhytteområde	2004	PT/ privat	Areal			x-oppstart	
Plan for idrett- og anlegg	2015-2020	OK	Tema		x		
FITJAR I BEREKRAFTIG VEKST							
Plan for næringsutvikling	2014-2018						
SMARTE OG KOMPETENTE KOMMUNALE TENESTER							
Personalpolitiske rammeverk	2013-dd	Overordna			x		
Lønnspolitiske retningslinjer	2017-2021	Overordna				x	
Plan for omstilling- og nedbemannning	2018-dd	Overordna		x	x	x	x
Kompetanseplan for barnehage- og skulesektoren	2020- dd	OK	Tema		x		
Kompetanseplan for helse- og omsorgsektoren	2019-2023	HO	Tema				x
Helse- og omsorgsplan	2014-2020	HO	Tema	x-oppstart			
Plan for habilitering	Ny	HO	Tema	x			
Smittevernplan	2006-2010	HO	Tema	x			
Ruspolitisk handlingsplan	2015-2020	HO	Tema	x			
Bustadsosial handlingsplan	2016-2020	HO	Tema			x	
Handlingsplan vald i nære relasjoner	Ny					x	
Folkehelsestrategi	2013				x		
Plan for innføring av omsorgsteknologi	Ny			x			
Barnehageplan	2016-2019	OK	Tema	x			
Skulebruksplan	2019-2023	OK	Tema			x-oppstart	
Plan for kulturminnevern	2015-2025	OK	Tema				x-oppstart
DEN GRØNE KOMMUNEN							
Områdeplan for Fitjarøyane	Ny	PT	Areal				x-oppstart
Trafikktryggingsplan	2014-2022	PT	Tema		x		
Hovudplan for Vatn		PT	KDP	x			
Hovudplan for Avløp		PT	KDP	x			
Forvaltningsplan for Grågås Stord -Fitjar	Ny	SFLMK	Tema		x		
Landbruksplan for Stord-Fitjar	2017-2025	SFLMK	Tema				
Hovudplan for skogsbilvegar Stord-Fitjar	Ny	SFLMK	Tema	x			
Forvaltningsplan for hjort - Stord og Fitjar	2017-2020	SFLMK	Tema	x			
STERKE SAMAN							
Kommunedelplan for Dåfjordvegen		Interkomm	Areal				x-oppstart

